

Tesaronakaahiyaapî Utîpîho

Kapîho

Kimandî 2

Tesaronakaahiyaapî

Utîpîmandapî Nesîpîhande

Tesaronakaahiyaapî utîpîho jîho Porîho jîpatîpiyatî nusoasataise. Nusoasatosatî otîhî masîwonjî bimainjatî amî kînaungwîha naasîketî amî utîpîho wo ipotîho nusoasataise. Kiya satîwî Awaisîho aimî japîhî napise, tîwî katîwî yayauhî kandapî ko utîpîho japîhî wo jîpatîpiyahore. Jîpatîpiyatî biyatî nusesîpatî Awaisîho japîhî nasonîhura sapa siyatî noaipatî saimatîtaise, undatî kaundatî jîpatîpiyahore.

2 Tesaronakaahiyaapî Utîpîho Napîmasataise
 Porîho isîhiyai ipîhîrete undisîha (1:1-2)

Nyahî nahatiyaanî Awaisîhomî ambîpatapî
 naanjîhandî ambîpatî yaasîhandî
 nehaawaahî sandîhî gaare undisîha (1:3-12)

Autaahaatîhomî Itîpîho Gaaho kîmaapî
 yapîmbataapîhî ahotisîhoai nemaitaise.
 Nemahonîhî sura ipotî Bwaasîrîhîramî
 watîpîhandî auta noaipaitaise. Saiwa siyatî
 sanotî owetanîhî Awaisîho japîhî napîtaise
 tîsîha (2:1-17)

Autaahaatîhopî gîwunyaahohiyîhiyaamî gaa-
 haiwa kiyohîwaiwa napotî owemetatî kai-
 waanîhî ahotîmî none undisîha (3:1-15)

Porihō pīwīha owematī kiyai ipihirete
undisiha (3:16-18)

*Asisīha Autaahaatīho Isīhiyai Netī Tipītapaatī
Usondandīha Ipotīnīhī Noaipaitaise*

¹ Nyahī Porihonīnītihī Sairaasiyī
Timoteyaatihī utīpīmandī kīmandī sahī
Kīraisihomī isīhiyaatī aunahīpatī awaipatī
Tesaronaikaahanda bimohiyīhiyaatapī
jīpatīpiyaatī nusoaasīhaayo. Sahī
Kīraisihopī gīwunyaahohiyīhiyaatī samī
gīwunyaahohītīhanda noaipapī Autaa-
haatīho nyamī Apīhoaisawunī, amī
nyamī Awaisīho Jisasi Kīraisihōaisawunī
tīmaamaitohiyīhiyaatapo. ² Autaahaatīho
nyamī Apīhounī amī nyamī Awaisīho Jisasi
Kīraisihounī sangi gaahatī kasimī jatatamanīmī
samī maarīho nepī yatīhīsipī napaisaatisamapī
jainjatītaatīmī nyahī sapī gaapundīhaato.

*Tesaronaikaahiya Naanīhaiwa Nu-
soaipasīhura Andītītīwī Bitopīhiyaare*

³ Naisīhiyaatī nyamataiwī Kīraisihopī
gīwunyaahohiyīhiyaate, nyahī sapī gisun-
yaawaatī, amī sapī nasisoari Autaahaatīhoai,
'kīnyī gaahōne gaare,' undīhaato. Amī
sandīhī nyamī tītīhī otīpīpatīsī apīpaahī gaare
nyahī sapī kaitīhaawe. Amī sahī Kīraisihopī
gīwunyaahohītīhandī noaipatī watīpītātī
amī sahī nīnaasiyaatīhī samī naisīhiya usa
samataiwī Kīraisihopī gīwunyaahohiyīhiyai
maarīho baiwī jinjapīhī nunyauhī amī
sandī kandī maarīho nunyohītīhandī

waati awaindemapi kaimi niyauho. ⁴ Sahi siyohitimandi kimikandapi nyahi yawanaani sapi maaritaati nimaatohaayo. Iyaati ami nyahi Autaahaatihomi ishiya Kiraisihopi giwunyaahohiyihiyaamihatih nowaati kiyai kaundaati sami ambipati nasimaawaati awaindewaasamohaayo. Sangi ishiya sami tiworisa yaasihaiwa maipihaiwa kasisauhi ami kaiwa yaasihaiwa kiyatinihi nepi nowaaheti keti sahi Kiraisihopi giwunyaahohitihandi andititwi isiwatwi kiyatinihi kopu taawi giwunyaahauhi kandapi kaundohaato.

*Autaahaatihohi Nyangi Titih Gaahireti
Tipitapaati Nyasonahore*

⁵ Saiwa sangi taati nasoaipaswimaiwaaraahi Autaahaatihohi nyangi siyati neti nanyinjataise, ko titih gaahosi gaahati kiyati ami nyangi titih gaahireti neti tipitapaati nyasonataise. Iyati ami saiwa sangi sami ambipati maariho yaasihaiwa sangi tiworisa nasanyauhi taawi nehohiwiwa neti siyati ausaimanati sangi nasisataise, ami ko Autaahaatihohi neti sangi komihiyaatesamati ami ko noapatu sami Awaisiho Jihotati, ami ko apipaahiyaati kiyatangisinihi jinjapihi jainjatitando. ⁶ Ko titih gaahosi Autaahaatihohi titih gaahati siyati kaitaise. Ishiya sangi yaasati naanjhaiwa nasanyawi nasopisasihiyihiyai yaawihaiwa numwataise. ⁷ Iyati sahi yaasihaiwa ishiya nasanyauhi taawi nehohiyihiyaatangi yaasiwaiwa nesamati ikindaatiwihandi nasamataise. Iyati ami nyangisangi maawi ahoyati ikindihahandi

ko nanyam+taise. Sandi Autaahaat+ho kaitaise
 nyangi nyainjatis+ho Awais+ho Jisaasihoai neti
 ausaiman+hon+h+i, ami ko komi ot+ip+pat+hiya
 yam+hapataat+hap+hiya wat+ip+hiyaisat+
 sis+ha tihwit+h+r+i paan+haataat+hi
 yam+hapataat+hi+raap+i nason+huraaro.

⁸ Ko is+hiya Autaahaat+hopi mmon+w+i
 gi+wunyaitaat+w+i poundih+i pohipaiwi, ami
 nyami Awais+ho Jisaasihop+ha p+w+ha
 gaaha wan+ha minjapepih+r+i+w+i ami kaami
 ot+t+hi p+inamaayohiy+hiyai wihooan+haiwa
 waati yaaw+haiwa numwit+aise. ⁹ Nyami

Awais+ho Jisaasiho komi nd+maahomwaan+
 nausainj+t+hand+i, ami komi yundanyi+ha
 wat+ip+haiwaap+hap+i kiyai nawisatemati kiyaami
 maip+haiwaap+i maip+hand+i wihooan+hand+i
 kiyai numwit+aise. Iyon+hi kiya wind+i
 ik+imaan+w+i kiyaan+hi yaaw+hand+i naitaapo.

¹⁰ Autaahaat+ho saiwa siyati kiyon+hi
 noaipaitaise, nyami Awais+ho Jisaasiho nyahi
 komi is+hiyaan+n+i gi+wunyaahohiy+hiyaan+n+i
 nyahi tit+hi ko sawahom+hiyaanimat+t+haaw+i
 Autaahaat+ho nanyam+hainjaw+hiyaan+n+i
 koai amb+pati awaipati numwisaihi naitand+i
 nason+hura sangi maaw+i kat+hi+t+i+w+i, ami
 Jisaasihoai sahi amb+pati awaipati numwit+taapo.

*Por+houn+i Kom+i Naisururun+i Autaahaat+ho
 Tesaronaikaahiyai And+i+wiw+tand+i Kiyaap+i Gaa-
 pundawaayopo*

¹¹ Ami saiwa siyati sangi nasoaipaitandaiwai-
 waap+i gw+inyaahaaw+i nyahi gaapund+haahura

sapɪ nyahɪ nasisoaarɪ kiyaanɪnɪhɪ sangɪ Autaa-
 haatɪho andɪtɪsɪwɪtandɪ koai pɪwaundaatɪ gaa-
 pundɪhaato. Amɪ sahɪ wapa gaahapa Au-
 taahaatɪho maaritatɪ gwɪnyaasɪpɪpa kaitaatɪwɪ
 gaatatɪ nasamaasɪpɪpa sahɪ nga kaitaatɪwɪ ko
 sangɪ netɪ watɪpɪsamatɪ gaasamaitandɪ nyahɪ na-
 sisoaarɪ sapɪ koai nunjenaatɪ pɪwaundɪhaato. Iy-
 ataatɪ amɪ sahɪ Jisaasihopɪ gwɪwunyaahohɪtɪhandɪ
 netɪ sangɪ gaasamatɪ andɪtisaihɪhɪ amɪ sahɪ
 gaahapa kaitaatɪwɪ Autaahaatɪho maaritɪhɪ amɪ
 sahɪ sawanaatangisangi kaitaatɪwɪ gwɪnyaapɪ
 maaritohɪpɪpa kapa tɪtɪhɪ kaitaatɪwɪ sapɪ Autaa-
 haatɪhoai nyahɪ, 'kɪnyɪ gaahone gaare,' undaatɪ
 pɪwaundaatɪ gaapundɪhaayo. ¹² Amɪ sahɪ sandɪ
 saisaihɪ sapimatonɪhɪ isɪhiya nahatiya nyamɪ
 Awaisɪho Jisasɪ Kɪraisihoi nɪwimaapɪ ambɪpatɪ
 awaipatɪ numwisaihɪ, amɪ ko nyamɪ Awaisɪho
 Kɪraisihounɪ amɪ isɪhiya nahatiyaunɪ sangɪ mepɪ
 autaahepɪsamapɪ nga baiwɪ jasonɪwɪ jainjaito.
 Amɪ Autaahaatɪhounɪ amɪ nyamɪ Awaisɪho Jisasɪ
 Kɪraisihounɪ sahɪ wapa gaahapa wɪndɪ kamaiwɪ
 nehɪhandɪ sangɪ gaahatɪ kasirɪhɪretapɪ saiwa
 sangɪ nasoaiwa sasimatɪtaise.

2

*Utaaho Wɪnɪhapɪpa Nematɪ Wɪnɪhapɪpaapɪ
 Pohipiyaho Noaipaitaise*

¹ Nyamɪ naisɪhiyaatɪ nyamataiwɪ Kɪraisihopɪ
 gwɪwunyaahohiyɪhiyaate, nyamɪ Awaisɪho nyahɪ
 kopɪ gwɪwunyaahohɪho japɪhɪ nasonɪhura
 Autaahaatɪho nyangi netɪ ahonyisonɪhɪ, amɪ

nyahi koaisaati nutanaati niwipaawaati iwinjaitihaahuraapi nyahi sangi kasatitahaawiyoni sahi atihiri mwitipisawi atiwise. ² Sura asisaha Awaisihoaisaati nyahi nutanaati iwinjaitihaahuraapi sangi ishiya usa sasatiwi, Awaisiho asisaha napitandha aimi noaipase, tiwi kasatawaayondho? Iyati ami utaaho woi Autaahaatihomi Itipho Gaaho piwaha sataha kaundih ko atisati neti ausaataindho? Ami ishiya usa piwaha ausaawaahiya sa piwa katawaatondho? Iyati ami ishiya usa nyapi satiwi, Porihoisawahiya aposerhiya piwaha satiwaha utipihoaatih jipatipiyopo, tiwi kasatawaatondho? Sahi piwaha siyahaiwa nyami Awaisiho Jisasi Kiraisiho japihi napitandha asisahaapi ka aimi noaipase, tiwaha atisawaahandi kandi sahi keti yaiwi sami maarho omanjitihi, ami sami amitha jandoti yaiwimapi mimaipimaasimatane. Tithi sami maarho gaatati ami amitha jainjapwaatonhi gwinyaapise. ³ Sahi woi nehi nanihaiwi iwinjasahi ko piwaha katati ami ko wapa kiyati daayati bitosiwaiwaara sangi windi jaipimaasatane. Sahi atiwi ami gwinyaapise. Sa Asisaha nehi keti windi namoaipaitaise. Owe. Ami jihinihi ishiya taahiyhiya apipaahi awaindhandi Autaahaatihopi pohipaiwi komi winihapi pa nemapi, ami apipaahi awaindhandi maati maatiwi woretitiwi ami iwiritapo. Saisahi ami utaaho apipaahi maipho maipihaiwa asakiyati pihitati kaitandho noaipaitaise. Ko winihapi paapi apipaahi

poundati pohipiyaho Awaisiho Jisaasiho nasataahura Autaahaatoho koai neti sisahaapihi tihaitaise. ⁴ Ko siyati noipati nahataapa ishiya nepi kiyaami autaahaatihomapati atotipiwesawi kapaapi gwinyaapi gaapundiwi, ami sapa nyami autaahaatihoe, tohipipaapi pohipiyati manditipaitaise. Ko siyati sawaho neti autaahi naimaatati jhimatati sapa nahataapai neti yatihiwati ipihatitaise. Iyati ami ko Autaahaatihomi ananji awaindihandaatih nandaati bindataati ami ko sawahopi satati, 'Nini Autaahaatihonine,' tati katitaise. ⁵ Sahi gwinyaitaapo. Nini sangisati maasi jhi Tesaronaikaahanda bimohura kimikaiwaapi sangi nini aima kasato. ⁶ Iyataahandi kandi ami windi yahandi wani taati niwisapuwati ipatisataise, ami ko Uta Maipo wani namoipaitando. Ami sandi taati niwisapusitindapaahi sahi aima mmoniwi gisunyaatahiyaate. Iyataati ami utaaso so api paahi maipo keti windi noipati amusaimaninati noti asisaha akurura Autaahaatoho namihainjiheti koai Autaahaatoho neti ausaimanitaise. Ausaimanihonih ko ami auta noaipaitaise. ⁷ Ami nyahihisaiwa utaaho maipihomi api paahi maipiwa noasandiwaiwa ami kaiwa Autaahaatoho neti autemati nyangi nanyisih mmonihayo. Ami ishiya taahiyhiya maipihandi taawi wani kiyawaayopo. ⁸ Ami Autaahaatoho utaaso niwisapusoai nawisatemahonihuraahih so uta maipo koai Autaahaatoho sawaho neti ausaimanihonih ko auta noaipaitaise.

Iyonihî ami Awaisiho Jisaasiho nasataahura komi maarihomî ditihiiri mbipaara so uta apipaahi maipo Autaahaatihomî winihapipa nemati amî maatiimaatihiramî tanyaaho sapoai tiwamaitaise. Awaisiho komî nausainjitihandî apipaahi watipihandî awaindihandisa auta noaipati so uta maipo winihapipa nemasoai neti apipaahi daahi koaisinihi nopisamatî komî watipihandî neti owemaitaise. Iyati koai neti sihaapihi yotitaise. ⁹ Iyataati amî so uta maipo winihapipa nemaitando auta ausaimanindandindî sandî Bwaasirihiiri kirami watipihanda otipipati waati kaindihanda noaipaitaise. Amî Bwaasirihiiri so uta maipoai watipihandî numwitaise. Nunyonihî Bwaasirihiiramî jaipipaara siwipati watipihaiwa nahatewa kihaiwa kihaiwa kiyati, amî watipihaiwa otipipati kihati kihati kaitaise. ¹⁰ Iyati amî ko jaipipa nahataapa kahatamatipetihapa ishiya mmondaatiwi kaiwaiwaara ishiya nepi nopisaniwi owetiataatiwihira taawi niyohiyihiyai jaipunditaise. Iyonihî amî ishiya nepi nopisaniwi kiya owetiataapo, amî Autaahaatihomî komî piwaha akitiha kiya ka atiwi giwunyaasahi, amî kiyai nga ko japihi numwaitotati kaundihî amî kiya ka piwa atihomiwi, amî kaapi kiyai apipaahi poundihî pohipiyowo. ¹¹ Iyauhi amî sandî kandapi Autaahaatihomî isiya siyaami amitiha amî omanititihî neti nusopisataise, amî kiya jaipipaapi gwinyaitaatiwo. ¹² Isi amî saiwi ishiya nahatiya Autaahaatihomî piwaha

akit̄iha nyam̄i Awais̄iho Jisasīi K̄raisihop̄iha kiya
windī ḡimunyaapī, am̄i neh̄i maip̄ihaiwaah̄ih̄i
maarit̄iw̄i kiyohiȳihiyaī Autaahaat̄iho
saundat̄i, sah̄i ap̄ipaah̄i maip̄ihiyaatis̄i
sam̄i maip̄ihaiwaapī p̄w̄iha nep̄ise, undat̄i
p̄w̄iha net̄i kiyaam̄ihet̄i yawutaitand̄i sand̄i
Autaahaat̄iho sawaho kiyataise.

*Autaahaat̄iho Sangi Jap̄ih̄i Nasamaitand̄i Aim̄i
Nasam̄ihainj̄ihiyaate*

¹³ Nyah̄i nasisoarī Autaahaat̄ihoai gaare,
undat̄i p̄waund̄ihaato, sah̄i nyam̄i nais̄ihiyaat̄i
nyamataiw̄i K̄raisihop̄i ḡiwunyaahohiȳihiyat̄i
am̄i Awais̄iho maar̄iho sangi ap̄ipaah̄i
awaind̄ihand̄i nasamisaw̄ihiyaatapo. Am̄i
sand̄i apaap̄i maah̄e, Autaahaat̄iho is̄ihiya
j̄ihap̄ihiyaī namasat̄i numwaasaw̄ihiyaam̄i
ot̄ihat̄ihap̄i namasat̄i j̄ihiyaatangi nasamaitand̄i
yand̄ihesamat̄i t̄it̄ih̄i sawahop̄ihiyaatangi
nasam̄ihainj̄ihiyaat̄it̄ihe. Iyat̄i am̄i It̄ip̄iho
Gaaho sangi net̄i neh̄i t̄it̄ih̄i Autaahaat̄ihom̄i
is̄ihiyaatesamas̄ih̄i, am̄i sah̄i kom̄i p̄w̄iha
akit̄iha Jisaasihop̄iha at̄iw̄iw̄i am̄i kaap̄i
sah̄i baiw̄i ḡiwunyaawaayopo. Sand̄i
sah̄i p̄w̄iha ak̄it̄iha wan̄iha gaahaap̄i
ḡiwunyaahoh̄it̄ihandaah̄i sangi Autaa-
haat̄iho nasamaataise. ¹⁴ Autaahaat̄iho
gaatih̄i sah̄i koenda nasauh̄i ko sangi
nasamaat̄i nasam̄ihanat̄i yand̄ih̄i ko
sawahom̄ihiyaatesamas̄ih̄i sah̄i kop̄i
ḡiwunyaawaayopo. Iyat̄i sah̄i nyam̄i
Awais̄iho Jisasīi K̄raisihom̄i ap̄ipaah̄i
gaahand̄i nausainj̄it̄ihandaat̄ihunī, am̄i

watipihandaatihuni Jisaasihoaisaw
 bimitaatwo. Iyati nyahi pwiha gaaha
 waniha ausaahohihami akaaha akithaara
 sahi koenda napitaatiwi Autaahaathiho sangi
 nasisenati gaasatihhiyaate. ¹⁵ Isi ami
 nyami naisihiyaati nyamataiw Kiraasihopi
 aimi gwunyaahohiyhiyaate, sahi andititwi
 bitosawise. Bitopi ami Autaahaathomi pwiha
 nahata nyahi pwihaaraahuni ami utipho
 jipatipiyohihaapuni katawaasasohiha sahi
 anitiwi isiwatwise. Aiw windi namaamapi
 kaapi gwinyaapise. ¹⁶ Nyahi nyami Awaisiho
 Jisasi Kiraasihaisuni ami Autaahaathiho
 Apihaisuni piwaundaati gaapundihaayo.
 So nyami Awaisiho Jisasi Kiraisisouni ami
 Autaahaathiho nyami Apihouni nyangi maarho
 nanyinyamaise. Iyataati ami nyahi gaahapa
 wapa kamaayaati nehhandi Autaahaathiho
 gaahati kanyindihanda nyahi wapaapi windi
 yamaitihaawi nyangi anditinyaisihi, ami ko
 nyangi ipotihandi gaahati kanyitandihuraapi
 nyahi jathhaayo. ¹⁷ Ami so nyami Awaisiho
 Jisasi Kiraasihouni ami Autaahaathiho nyami
 Apihouni maarho nyangi nanyinyamaise. Ami
 ko sami maarho neti anditisiawati ami neti
 watipisamahonhi ami sahi pwiha gaaha
 piwaatiwi, ami gaahapa nahataapa sahi nga
 katitaatiwo.

3

*Sahi Autaahaathopi Gaapundiwise Ami Ko
 Nyangi Anditinyaiwitando*

¹ Nyami naisihiyaati nyamataiwi Kiraishopigiwunyaahohiyihiyaate, piwaha wiwa sangi kamaasatohiwaiwa wani sangi nyahi kasatitahaawiyo. Iyataati piwaha ka siyate. Sahi nyapi gaapundwise, nyahi piwaha Awaisiho Kiraishopaha ausaahohiha sahi kiyohipatamataiwi ishiya taahiyihiya kaapi maaritwi nepi, ami kai nepi autaahi isiwatwi ami kiya keti tariwaiwi atiwi nepi, ami anitiwi isiwatwi ami kiya kaapi gwinyaito. ² Ami nyapimaawi gaapundwise, Autaahaatho ishiya apipaahi maipihya maati maatiwihyaami ikwiraatihapi nyangi tinjaati japihi nanyamaito, ami ishiya nahatiya windi Kiraisihopuni ami piwaha kopaha (nyahi ausaahohihaapi) windi atiwi nepi gimaawunyaahowo.

³ Ami sahihi sami maarho ami ambipati Awaisihomiheti nausawi koai iwinjatwise, sangi ko anditisiwati ami matoaatipatamatiyati sangi neti nasapopihonihi Uta Maipho Bwaasirihiri, sangi wapa kasisati ami sangi windi neti namaasopisasito. ⁴ Ami Awaisiho nyangi ginyunyaasih nyahi sap siyaati gwinyaahaayo, nyahi piwaha watipitaati sangi kasatohiwaiwa sahi wani taawi nga kaiwi ami ipoti ipotisangi sikaiwi sahi nga kaitauho. ⁵ Nyahi sapi gaapundihaayo nyami Awaisiho Jisaasiho sangi titihesamati neti gisunyaahonihi, ami Autaahaatho sahi ishiyai maarho numwitaatiwi sangi nasamisihopi bapaiwi nga awaindihandi mmoniwi gisunyaatitando. Iyati ami Jisaasiho sangi jatatamanati neti

anditisahonihî, ami sahi kiyaatinihî andititîwî bitopî ami ko napitandihuraapî jatitaatîwo.

Isihiya Nahatiya Otîpîpatî Kiya Itamanîndaatîwîhatî Kaitaatîwe

⁶ Nyamî naisihiyaatî nyamataiwî Kîraisihopî gîwunyaahohiyîhiyaate, nyamî Awaisîho Jisasi Kîraisiho watîpîhandî nanyamindîhanda nyahî sangi watîpîtaatî sasatîhaato, samî naisihiya Kîraisihomîhiya usa kiyaami ikwauhîrî ipesawî wipî gwaapwîwî bimohiyîhiyaapî sangi yandîhî nawîsawî bitosawîse. Isihiya siya nyahî pîwîha wînhapîpa kasatohîrîhîretî minjapepîhîrîwî nehî wîretî bitohohiyîhiyaapîto. ⁷ Ami

nyahî kîma pîwîma watîpîha kasatîhaato nyahî samîhatîhî sangisaatî bimohura nyamî ikwauhîrî ipesawa wiwa gwaapowaatî bindîhaamaayo. ⁸ Nyahî wîndî samaayo.

Nyahî nandapa usaami wîndî nehî newaatî nanîhaamaayo. Nawîho nunya newa nanîhaayo. Ami nyahî nyamî ikwauhîrî mbawaatî nesîpawa ikwîsamanaatî daayaatî otapîhaatunî ami apatîhunî akîtinîhî otîpîpatî waatî dipîpatisaatî kiyahaayo ami sangi pohîrîsisaatî naanîhandî namaasamîtîhaawo. ⁹ Nyahî siyaatî kiyohîtîndî ami sahi nyangi wapa nyatatamanîtaatîwîhandî owetîhîmahe. Owe. Ami sahi nyahî

kiyohîrîhîretî mmonîwî nepî nyamataiwî kaitaatîwî nyahî sandî kiyahaayo. Iyaatî sahi nandapa wapa nyangi andîtinyaiwîtandîhapa nanyamîtaatîwî nyahî nga sangi nasîsendîhatî katî ami sandî wîndî nyahî kamaitîhaawî gwînyaahaawe. Ami nyahî sangi nasîsisaihi

nyahi kiyohirihiireti sahi nyamataiwi kaitaatiwi nasisiitihaawi nyahi sandi kiyahaayo. ¹⁰ Sahi sawanaati mmoniwi ami gisunyaatitaise. Nyahi sangisaati maasi bimohura piwaha wa sataaha nyahi kasato. Ami utaaho wo pohipiyati ko itatamaninati bimitandihandapi otipipati ko windi kamaayataataahi ami so ko nandapa windi namaanane, sataati kasato. ¹¹ Nyahi sandi sangi sata kasatohitimandi apaapiimasato, ami sapihisamihatihisihiya usa kiyaami ikwauhiri ipesawi wipi nasihasinwi otipipati windi kamaiwi pohipaiwi nehi bimopo, tauhi nyahi piwaha atisihaawito. Saiwi kiya ishiya usaapi ami kiyaametirihiretapi nehi piwahaahihikiyaami otipipatamataiwi nesi kihapihikihapihimapikaniwi bimopo, tauhi nyahi atisihaawito. ¹² Awaisiho watipihandi nanyamindihanda nyahi watipitaati ishiya siyaisi sata kaundahaato. Sahi yatihitipi bipi napaisaati bindawa nandapa ami wapa wapa sangi jatatamanonihibimitaatiwihapaapi otipipati mwitipisawi kaiwise, undaati piwaha watipiha kaundahaato. ¹³ Ami sahihi nyami naisihiyaati nyamataiwi Kiraisihopi giwunyaahohiyihiyaate, sahi titihi gaahaiwaahihikaitaatiwihandapi windi pohipimaiwise. ¹⁴ Sapihisamihisihiya usa nyahi sangi kimandi utipimandaatihiwinihapipawinihisataati piwaha kasatohiwimaiwa windi atihomiwi minjapepihirisaihaahisiyai sahi mwitipisawi usonwi usitaiwise. Aiwi sahi kiyaapi nawisawitewise. Ami siretapi kiyai kiyaami kiyohiwiwaapi sawanai mawitando.

15 Ami siyawaahandi kandi sahi kiyai sami tiworisa sangi manditisisohiyihiyaamataiw+ mauson+wise. Sandi w+ndi sahi kamaiw+ namap+ neh+ saundiw+, sahi saiwa w+ndi kamaiwise. Namap+se undiwi+ sami naisihiya K+raisihop+ g+wunyaahohiy+hiyai kawisoh+r+h+reti kawiw+se.

P+waahonya Kimonya Ipot+honyaare

16 Nyah+ sapi siyaati gaapundihaayo, ami sangi nyami Awaisiho Jisasi K+raisiho sawaho sami maar+ho amb+pati neti nahataapaat+hi yat+hesama wisaiw+tando. Isi ko sangisatitane. 17 Kimonya p+waamonya nini Por+honini sangi, gaahuraare satiti nini niwahonisi ikwira pen+handi nisi utip+ho j+pat+pinis+hom+ ikwiraat+hapi neti j+pat+piyataayo. Iyataati kim+reti kimaindi nahatewa nisi utip+haiwaat+hi p+w+ha asiti+putiha j+pat+piyataayo. 18 Nini sapi sandi gaapundataayo: Nyami Awaisiho Jisasi K+raisiho sahi wapa gaahapa w+ndi kamaiw+ neh+handi koaisunyaat+ sahi nahatiyaatangi gaahandi kasisane, ndi nini Por+honini gaapundataayo. Akite!

Autahaatihomi Piwaha Gaaha Waniha
The New Testament in the Angaataha language of
Papua New Guinea
Nupela Testamen long tokples Angaataha long Niugini
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

PDF generated using Haiola and XeLaTeX on 21 Feb 2024 from source files dated 31 Aug 2023

b83b4d2c-30be-5f11-8fb0-fa04e4808bad